



後村集 二四

乙津竹寶

不可輕書之

一詩



特別
16
2855
1



門 16
號 2855
卷 1

柳澤直次郎藏書

柳澤直次郎藏書

昭和二十六年
五月十八日購

也

雖未馱數舍而其人則未之

也

年身雖拙而文日傳時從數千
外有能道其名而誦其詩者語以
為今人率不信益知公之詩名久
而傳者遠矣 端平初余留太學
偶謁計幕湯公巾後村時以西府

掾對晦靜語余曰子得潛夫對䟽乎言所難言非特詞章為妙西山之門此為巨擘余於是知公於詩之外尤有過人者然猶未及登門也余成進士南歸後村旋亦去國始克謁見於其居挾策過從凡一再歲頗嘗聞所未聞中間睽携時

蒙寄以新藁聞者必爭求之丙午余待罪校讎府公自江左召甫見上即錫第長蓬山專史事未幾日又入經幄直綸省僕於公為列屬遂得時見講卷詞草諸篇每以精妙絕出無何乃以留黃不奉詔去而掖垣諸藁膾炙於人好文者至

傳焉以相詒遺是公之連蹇不得
志雖甚於諸賢而文字之傳亦非
意見不同嗜好相背者所得而
抑遏也昔者李定之於東坡且以
奇才見予况他人乎然世猶以
集不盡見為恨去秋余補外
聞得語從容婁以此請而公

再三不之許余曰爾名郡也前
諸聞人文字散落不少夾漈著書
最多可名者七百種今之存無一
二艾軒沒五十年遺文始哀集僅
得二十卷放失知幾何他如次雲
之詩西軒之賦與先正二劉所作
刊世無復見者矣前之守於斯者

能無媿乎僕將逃此媿於後公獨
何所靳於今此非為僕賜為國人
賜也公於是不得已而出之余既
盡得公所藏刊之郡齋且連月諷
誦不去手乃歛衽而嘆曰夫文章
非一體能者互短長王粲他文不
逮賦子美無韻者難讀溫公不習

四六南豐文過其詩此皆前輩評
論也以余觀於後村自非天稟迥
殊學力深到何其多能哉詩雖會
衆作而自為一宗文不主一家而
兼備衆體模寫之筆工妙援據之
論精詳其錯綜也嚴其興寄也遠
或春容而多態或峭拔以為奇崛

貫古今自入爐鞴有穀梁之潔而
寓離騷之幽有相如之麗而得退
之正霜明玉瑩虎躍龍驤閔悽瑰
竒超邁特立千載而下必與歐梅
六子並行當為中興一大家數也
蓋如倫紀奏篇塗歸諫疏與夫某
人謝事之詞此又公立朝大節來

者宜焚香誦之不然文豈能徒得
哉公名克莊字潛夫黃陽人後村
者因其居以自號也淳祐九年龍
集巳酉中春既望竹溪村希逸書

後村居士詩集目錄

卷第一

郭璞墓

徐孺子墓

北山作

黃檗山

客中作

晚春

瑞香庵

蒜嶺

魏太武廟

北來人二首

早行

第三龍湫

小寺

哭葉孝錫教授

送薛明府

示觀老

武步道中

幽居寺

哭容倅舅氏二首

鐵塔寺

哭薛二寄二首

贈錢道人

送鄒景仁

陳虛一

南浦亭寄所思

別教習

浦城道中

大目寺

吳大帝廟

聰老

贈川郭

張麗華墓

二將

揚州作

蒜嶺夜行

哭揚通老吏部

老歎

趙清獻墓

除夕

漁梁

送拄杖還僧

蓋竹廟

送仲白

贈王隆劉道一

清涼寺

雨華臺

蒼友生

烏石山

呈表祕監

小梓人家

雪峯寺

瓜洲城

鳳凰臺晚眺

晉元帝廟

冶城

新亭

魏勝廟

故宅

送周監門

寄趙昌父

戊辰書事

臨溪寺二首

孺子亭

豫章溝

西山

秋風

真州北山

送余子壽

挽黃巖趙郎中二首

寄韓仲立

晚春

即事

碧波亭

題寺壁

宮詞四首

跋小寺舊題

懋孺女

歸至武陽渡作

書山壁

田舍

題本草

出郭

再贈錢道人二首

卷第二詩

蒙恩監南嶽廟

暮居

報恩寺

舟中呈景建

華嚴寺逢舊蒼頭

古墓

下蜀驛

病起

烏石山

挽郭處士

老將

老馬

老妓

挽趙仲白二首

贈風水僧

挽鄭夫人二首

除夕

挽鄭淑人

悼阿昇

送真舍人帥江西八首

送仲白葬登石室

立春二首

去春

燈夕

戲孫季蕃

匹馬

宿囊山懷二僧

訪辟支巖二僧值雨

送王實之赴長沙幕

哭豐宅之武部二首

深村

挽林進士

東人求驢字

寄漢陽守王中甫

與客登壺山絕頂

戲谷同游

次方武成壺山韻

挽方孺人

方湖泛舟得南字

空寂院

紫澤觀

靈寶道院

方寺丞新第二首

小齋

東巖避暑

方寺丞艇子新成

友人病瘡

乍暑

衛生

先儒

游淨居諸庵二首

泛方湖得同字

又得湖字

問友之病

偶賦

滄浪館夜歸二首

贈翁定

送孫季蕃

哭毛易甫

月下聽季蕃吹笛

哀陳璣

題方武成詩草

送劉連江之官

挽柯東海夢得

送客

哭王宗可必成

書考

哭常權

沈蟻

方寺丞除雲臺觀

哭方主簿伋

陳寺丞續荔支譜

棋

宿千歲庵聽泉

題西重山瀑布亭

秋夜懷傅至叔父子

書小窻所見

哭宋君輔

曝書一首

觀元祐黨籍碑

荅翁定

挽陳潮州

聞兵有感二首

哭張王父

友人病痞

書事二首

李文饒一首

西風二首

昔仕

卷第三

九日次方寺丞韻

戲鄭閩清灼艾

暝色

示寶上人

海口官舍

瑞峯寺

瑞巖

谷湯升伯因悼紫芝

挽林宜人

送葉知郡禾

送人赴廬陵尉

別翁定宿瀑上

身在一首

臘月至外祖尚書家

命拙

憶真州梅園

歲晚書事十首

元日

寄題李尚書一首

又真止堂一首

晚悟

書燈

書感

山茶

落梅

野性

懷保寧聰老

哭五一弟先輩二首

腰痛

上冢

平床嶺

溪西

夾漈草堂

棋山院

西林寺

興化縣

麥斜

鯉湖

蔡溪巖 陳聘君隱處

九座山

香山寺

仙遊縣

觀溪西子年降僊

自昔

耕仕一首

真母挽詞一首

蘭

感昔一首

山丹

燕一首

過永福精舍二首

詠史二首

韓曾一首

春旱四首

黃天谷贈詩次韻二首

得曾景建書

示兒

潁陽塘

春日一首

憶毛易甫薛子舒

有感

哭趙紫芝

哭周晉僊

中嶠先塋

被酒

小園即事二首

夢豐宅之二首

漢儒二首

暮春

哭吳杞

橘花

薔薇花

蒼鄭閩清

前輩

鐵塔院

方寺丞病足

卷第四 詩

贈徐相師

送孫夢宮

寄何立可提刑

和曾史君喜雨

送饒司理

贈防江卒六首

哭黃寺丞二首

不寐

寄夔漕王中甫

送章通判

旱蓮

辭桂帥辟書作

聞何立可李茂欽訃

夏旱

憶藕

夜飲方湖

哀江帥張常二首

瀑上值雨

瀨

送沈澗

紫微花

書第二考

送鄭閩清

猫捕燕

次方寺丞方湖韻

鄰家孔雀

荅傅監倉

蟾蜍研滴

讀崇寧後長編二首

午牕

書感

荅客

印杖

寄泉僧真濟

羊毫筆

空村

題齋壁

題繫年錄

晚出

伏日

自警

詠鄰人蘭花

夏夜

書田舍所見

郊垌

客過

孟浩然騎驢圖

有興

聞笛二首

健忘

宿庄家二首

妄想

白杜牙客

七月九日二首

夢賞心亭

郊行

懷友

牢落

跋方雲臺文集

雲

樓冠

方寺丞招宿瀑上示

詩境樓觀月

野望

西崇山觀雨

宿山中十首

次韻方寺丞瀑上雷雨

秋望二首

村校書

聖賢

懷李敬子

華嚴寺知客寮

聞黃德常除德安倅

閑居即事

自勉

少日

貧病

示同志

卷第五 詩

和孚若瀑上種梅五首 再和五首

賦瀑布得斷字 送陳寺丞守延平

送丁元暉守南海 黃檗道中崖居者

橫塘 蒜溪

哭囊山覺初長老首 贈蕭高士

挽李端 海口三首

黃檗寺 和西外趙知宗

淖秦醫 讀劉賓客集

戊婦詞三首 游水南

哭陳鑰主簿 傅諫議和予兵字詩次韻

宿別瀑上二首 宿囊山和方孚若韻

白鹿寺 發枕峯

嵩溪驛 環翠閣

崇化麻沙道中 過晦伯劉尚書墓

謝墳 大乾記夢

館頭 發臨川

豐城和別景建 自撫至袁風雪

安仁驛 萍鄉

牛田鋪大雪 醴陵客店

湘潭道中即事二首 謁南嶽

勝業寺

發嶽市三首

湘江六言

煙竹鋪

衡永道中二首

黃龍嶺

祁陽縣

零陵

深溪驛

全州

炎關

秦城

未至桂州蒼葉潛仲迎詩

游水東諸洞次同游韻首

春日五首

訾家洲二首

舜廟

得家訊

湘南樓

上巳水月洞分得事

出城一絕

陪帥卿出游

次韻葉武岡二首

移居二首

吊錦鷄

哭孫行之二首

即事

楮樹

象弈

送陶仁父

書壁

栽竹

卷第六詩

癸水亭觀荷花

棲霞洞

堯廟

五月七日游諸洞

泛西湖

題許介然詩藁

慈氏閣

脩然亭

辰山

千山觀

魯公巖

郊行

遠華館呈胡仲威

老大

伏波巖

詰猫

八桂堂呈葉潛仲

挽聶孺人

題胡仲威文藁

戴秀巖

寄左次魏二首

湘南樓餞張昭州

榕溪閣

哭譚戶錄二首

風

觀射

荔支巖

再游樓閣

佛子巖

劉僊巖

龍隱洞

哭梁運管伯

琴潭

清惠廟

辰山道人

玄山觀

榕溪隱者

楔亭

自用臺字韻

簾帶亭

程公巖

哭林晉之判官

鵲

榕臺二首

巖関新洞

乳洞

發湘源驛寄府公

鐘鼎

書堂山

湘中口占四首

見方雲臺題壁

土馬村

祁陽道中

愚溪二首

浯溪二首

石鼓

湖南江西道中十首

鷄

哭裴元量司直

豫章二首

還杜子林詩卷

訪李公晦

道傍梅花

戲書客舍

懷安道中

哭澤孺方先生二首

枕峰寺

道傍松

題坡公贈鄭介夫詩三首

乍歸九首

卷第七 詩

蔡忠惠家觀帖

癸未瑞慶節

有感

挽水心先生二首

林容州別墅

哭林山人

挽方孚若二首

挽方武成二首

福州道山亭

建州

起來

入浙

寄人

壽昌

桐廬

富陽

記夢

出都

題硯

拉丞

久客

贈陳起

贈翁卷

路傍挑

題壁

馬上口占

挽李尚書二首

橋西

黃田人家海棠二首

郭熙山水

挽林夫人

挽葉夫人

題洪使君詩

關全驟函

哭左次魏二首

寄永嘉王

秋熱憶舊遊二首

哭李景温

送鄭瑞州

起沃

送子約赴

李園有懷孚若

送衡州方

荅教茂才

失猫

送張應斗

為圃二首

送黃舒文赴欽教

壁

挽袁侍郎二首

教器之宅子新成

荅陳珍

挽趙帥君任二首

池上榴花

蘇李泣別圖

芙蓉一絕

鄒甫田傳葬書

挽鄭參議

瀨溪即事十絕

教茂才論詩

鎖諫圖

哭劉連江

明皇按樂圖

哭李公晦二首

送鄒甫田

即事四首

梅花五首

送邢仙遊

夜登甘露山二首

書事十首

卷第八詩

送李權

再題鍾賢良詠歸

夫基一首

挽王華甫

鋪詩卷

次韻徐懋

瑄修職

挽陸孺人

脊上象五首

訪李鋼草

遂卿隱居

題林逸人道

可

贈鍾主簿公

知宗

贈豫知子

叔和詩再寄

寄姚穎倅

可寄叔

寄姚穎州

弟述說易

讀金鑿密記

哭真君瑞二首

獲研

再獲一研自和

蔡偉叔講通書

遺編

一念

貧居自警二首

清明寒食二首

上巳

村墅

進德

荅梁文杓

哭章泉二首

贈馬相士二首

送王堪五首

和南塘食荔枝

卷第十詩

送西山再填温陵

水仙花

葵花二首

題鄭寧文卷

悼阿駒七首

鄭寧示邊報

挽劉學諭

送陳珽戶曹二首

盱士張季注三略

送湯伯紀歸番禺

病後訪梅九絕

陪西山游鼓山

鼓山用趙丞相韻

題真仁夫畫卷

題龍眠十八尊者

跋米元章帖二首

跋周忘機畫

題林戶曹寒齋

三黃建州

過建陽二首

過章戴二首

荅李泉州元善

送趙善州二首

題趙子固詩卷

題湯仲紀程文

和高九萬空詩

曾無疑校勘

題表秘書文景

陵羅生詩卷

陳夫人哀詩

六人

參與陳公挽詩

自

送王實之

赴信州得復字

鄭丞相生日

環碧

移宿客邸

舟中

朱買臣廟

道中

徐偃王廟

漁梁

馮唐廟

新蓬二韻

春陰

觀僧升座

田舍即事十首

題趙廣文南墅

寄和湯仲能

送湯季庸監獄

別徐鼎夫

次韻王元度二首

送趙叔愚赴潯州理掾

離郡五絕

卷第十一詩

寄徐真翁侍郎二首

和仲第十絕

丁酉元日七首

用延平葉夷成韻

題黃羸父詩

次王元度韻

送范守仲治一首

挽趙漕簡叔一首

次曹路分韻

用曹帥韻贈曹路分

次韻永嘉曹君贈詩

謝林大鼎端硯

挽鄭子敬都承二首

次韻實之春日六首

挽戴丞

題永福黃生行卷

送方清孫參學

挽南塘趙尚書二首

次韻實之春日十一首

別張季

挽淮東丘升撫幹

五月旦日記夢

和張史君

題別家齋

次張史君韻

讀邸報二首

自和二首

和實之讀邸報四首

再和四首

挽李儔老二首

挽鄭貢士

梅州揚守鐵庵

梅州重建中和堂

題張簿尉槎溪集

題陳景升補化度寺碑

端嘉雜詩二十首

卷第十二詩

洛陽橋二首

泉州南郭二首

同安

龍溪道中

木綿鋪

靈著祠

韓祠三首

留衣庵

潮志道中

循梅路口四首

白雲庵

叱馭庵

將至海豐

東坡故居二首

豐湖三首

羅浮八首

扶胥三首

兼舶

兼諸司二首

唐子西故居二首

風篁堂二首

羊城使者廟

江南五首

即事十首

藥洲四首

登城五首

城南

題蕭則山文編二首

題唐察院詩卷二首

次韻黃殿講鳴珮亭

廣州勸駕

廣州都試

燈夕二首

次韻二首

哭蟾子二首

蒲澗寺

越臺

次韻劉帥出郊

次韻李倉春遊

挽崔丞相三首

陸賈二首

浴日亭一首

追和坡韻一首

白鶴故居

唐博士祠

六如亭

再題八如亭

十五里沙

道中和方孚若題壁

卷第十三詩

送項季約使君一首 送王梅州一首

癸卯燈夕次揚守韻首 辛卯春日

挽林煥章一首 送趙阜主簿

挽游勉之侍郎一首 挽唐伯玉常卿一首

送居厚第堂稟一首 居厚不果行次韻一首

居厚得祠復次韻一首 贈蜀士盧石受一首

送陳霆之官連州 挽林承奉

挽姚漕貴叔

挽陳開國一首

挽王居之寺丞一首 挽方筭貢士

題黃仲炎文卷一首 和吳教授投贈一首

和張簡簿尉韻 用王去非韻送林元質一首

送李察院赴潮州一首 賀王實之得第一子

送方蒙仲赴省 書事一首

送葉士巖二首 甲辰春日一首

題小室二首 送表弟方時父

送葉桂發助教 建陽馬氏晚香堂

贈施道州二首 送揚彥極提刑一首

題陳霆詩卷

夢方孚若二首

哭孫季蕃一首

懷曾景建一首

洪內翰哀詩一首

送李漕用之二首

答謝法曹

次王實之家熟韻

喜湯伯紀登第

泛舟十絕

飲方園十絕

跋江貫道山水十絕

卷第十四

雜詠一百首

卷第十五

雜詠一百首

卷第十六詩

讀竹溪詩

甲辰書事二十首

送王實之倅廬山二首

送葉士龍還致直精舍

題李斗南詩卷

題安仁陳慧公詩卷

讀樂平吳榮書鈔

挽湯仲能一首

無題

番禺紫極宮次太白韻

用韻答王侍郎

答廬陵彭士先

題方友民藏紫巖山帖

答陳楫伯一首

送王允恭隱君

送方時父

題宋謙父四時伴致樓

題宋謙父詩卷

寄揚休文高士

題倪上人詩卷

題羅亨祖叢菊

題餘干姚三錫書鈔

挽李秀巖一首

用南塘韻題丑剛中潛齋

次南塘韻呈伯紀子潛

題蔡旌詩卷二首

題汪道士雲庵

次韻伯紀送別二首

餞高著作守巖後

進經筵講禮記徹章詩

恭和 御製徹章詩

丁未春五首

和鍾子鴻二首

題端溪王使君詩卷

疊前韻

三疊

挽陳惠倅

挽姚循州

萬丈巖觀四絕

石塘感舊十絕

九日登巖過丁元暉

工部第墓二首

題林璞平寇錄

季父習靜哀詩四首

工部第哀詩一首

挽方寶學二首

挽方孺人

陪諸先輩題名南福公韻二首

答循倅潛起

過季父新阡

卷第十七

詩話上

卷第十八

詩話下

卷第十九 詩餘

哨遍一

六州歌頭二

賀新郎三十一

沁園春九

摸魚兒三

一翦梅三

滿庭芳一

鷓鴣天二

卜筮子二

卷第二十 詩餘

滿江紅十四

風入松四

水龍吟四

浪淘沙四

念奴嬌五

木蘭花慢四

最高樓二

臨江仙四

昭君怨二

清平樂四

長相思五

菩薩蠻一

玉樓春一

生查子一

憶秦娥五

鵲橋仙一

踏沙行一

水調歌頭八

後村居士詩集目錄



後村居士文集目錄



○卷第二十一記

汀州重建譙樓記

端平江閩題名壁記

建寧府新建譙樓記

邵武郡治譙樓記

建寧府李明倫堂記

尤溪縣復平糶倉記

味書閣記

汀州鶴鳴庵記

鄂州貢士田記

風月窩記

艾軒祠田記

建陽縣廳續題名記

晉江縣飛馬堂記

淮東總領所寬廉堂記

○卷第二十二

雲泉精舍記

古田縣二祠記

新修三步泄記

興化軍新城記

重修太平陂記

重修通判廳記

聽雨堂記

陳曾一守生祠記

興化軍創平糶倉記

漳州代輸丁錢記

登聞檢院續題名記

華亭縣平糶倉記

○卷第二十三序

甲申同班小錄序

和平志序代人

送陳東序

劉圻父詩序

送高上人序

陳敬叟集序

瓜圃集序

退庵居士集序

艾軒先生集序

野谷集序

賈仲穎詩序

張尚書集序

王南卿集序

石塘閑話序

竹溪詩序

王卿子文詩序

趙寺丞和陶詩序

卷第二十四序

趙虛齋注莊子內篇序

唐人五七言絕句序

本朝五七言絕句序

中興五七言絕句序

王隱君六孝九書序

季父易藁序

張昭州集序

網山集後序

樂軒集序

江西詩派小序

○卷第二十五 啓

上傳諫議

上制置李尚書

謝制置李尚書

謝傳諫議李著述

賀安宣旣除少保

賀傳諫議休致

代通趙西宗

赴辟廣西通帥

謝聶侍郎舉著述

改官謝丞相

謝胡礼侍舉著述

謝鄉郡應詔薦舉

謝傳諫議應詔薦奉

通安撫王侍郎

回交代葉承議

謝臺諫李陞陟

謝聶閣李奉自代

謝葉尚書薦

謝沈提奉薦

卷第二十六 啓

謝葉祕監奉陞陟

謝王侍郎奉所知

上程給事

謝程內翰薦

除潮倅謝丞相

謝臺諫

除仙都謝丞相

謝臺諫

除吉倅謝丞相

代上西山二

除將作簿兼參議謝西山

謝丞相

謝兩參政

謝洪中書李自代

謝余中書李自代

除宗簿謝丞相

除玉局觀謝二相

除雲臺觀謝丞相

謝諸府

卷第二十七 啓

廣東提李謝李丞相

通唐經略

賀右相還朝

廣東漕謝二相

除崇禧觀謝丞相

謝三府

謝史端明

再除崇禧觀謝丞相

謝史端明

謝諸府

賀范左相

賀杜右相

賀鄭丞相除少保醴泉觀使侍讀

江東憲謝鄭少保

謝丞相

謝給舍侍從

謝臺諫

賀謝司諫

賀劉察院

賀江察院

卷第二十八 啓

賀鄭少傅

除將作監直華文閣謝丞相

謝臺諫給舍侍從

賀鄭少師

賀游丞相

賀湯司諫江小坡

賀鄭侍御

賀謝殿院

謝王實齋舉自代遂

受告謝程中書

謝王侍郎舉自代楚

回賈制置

荅韓徽州

荅池州魏通判

賜策謝丞相鄭少師府

賀鄭丞相

賀二府

除祕撰闕憲謝啓三

○卷第二十九

樂語上梁文等

樂語五

上梁文三

慈濟殿 建陽縣西府 徐澧章堂

雜啓十九

○卷第三十

疏十五

青詞二十五

卷第三十一 題跋

跋宋氏絕句

跋趙忠定朱文公與林升伯帖

跋馬揖菊譜

跋文軒繳駁奏藁

跋朱文公與陳丞相帖

跋柯豈文詩

跋宋吉甫和陶詩

跋卓景福臨淳化帖

跋王實齋送林季芳序

跋李敏庸詩

跋先君與耿氏帖

恭跋 御製二帖

跋吳采書說

贈日者呂丙

題汪薦文卷

跋裘司直詩

跋宋自達梅谷序

題宋自達詩

題程坦詩卷

題趙幾詩卷

題葉介文卷

贈日者許澄之

跋蔡端明茶錄

跋蔡端明真草千文

跋蔡端明畫唐太宗哀冊

跋山谷書范滂傳

跋王元濠詩

卷第三十二題跋

跋東坡聽琴水調及山帖

跋蔡端明帖二

跋朱文公與方耕道帖二

跋南軒與方耕道帖

跋南軒送方耕道詩

跋魯簡肅公交肅宋次道帖

跋蘇才翁二帖

跋劉原父陳述古帖

跋趙清獻公帖

跋陳了翁鄭介夫帖

跋余襄公帖

跋陳懶散王晉卿帖

題亡攀桂月林圖

跋許教一鷄廷策

跋韓致光帖

跋蔡端明書唐人詩帖

跋林竹溪楔帖三

跋伯特臨韓幹馬

跋戴嵩牛

跋王摩詰渡水羅漢

跋江貫道山水

跋厲歸真夕陽圖

跋韓幹三馬

跋信庵墨梅

跋李伯時畫十國圖

跋米南宮帖

跋放翁與魯原伯帖

跋舊潭帖

跋馬和之覓句圖

跋石鼎聯句圖

跋揚通老移居圖一

跋石虎禮佛圖

跋明皇聽笛圖

卷第三十三 祭文

祭趙仲白

祭豐宅之郎中

祭方孚若寶謨

祭李蘄州

祭方武成

祭李尚書

祭袁侍郎

祭李監丞 東

祭方孚若掩坎

祭方氏表第

祭趙縣丞

祭傅諫議

祭漕王中甫

祭亡室四

陳北山

祭外舅

方尚書

祖奠外舅

復寺丞

祭胡伯園尚書

子仁

寺官祭西山

四 祭文

先生

代宰執祭魯知院

先生

祭鄭子敬左司

都承

祭余子壽尚書

元暉公

祭南塘趙尚書

崔相

祭黃市船

李左相

祭顧君立

李妻弟林養直

祭林煥章

祭游勉之侍郎

祭唐伯玉常卿

祭百五姪

祭趙叔愚

湯仲能

祭都官兄

徐仁伯

三十五

祭文 哀詞

李父習靜

祭工部弟

祭古田弟

祭從母陳恭人

祭寒齋

祭方德潤閣學

祖奠工部弟

祭工部弟掩坎

祭王實之少卿

祭鄭伯昌吏部

祭杜子昕尚書

祭魏國三

祭臞軒掩坎

代祭故相

秦伯舉哀詞

卷第三十六 祝文

祝文八十九首

卷第三十七 墓誌銘

趙仲白墓誌銘

林沅州墓誌銘

叔母方宜人坎誌銘代

林程卿墓誌銘

方武成墓誌銘

閻阜揚道士墓誌銘

卓推官墓誌銘

教器之墓誌銘

方子默墓誌銘

鄭孺人墓誌銘

王翁源墓誌銘

亡室墓誌銘

卷第三十八 墓誌銘

巴陵方通判墓誌銘

外舅林明道墓誌銘

姚元泰墓誌銘

顧安人墓誌銘

林龍溪墓誌銘

李山婦墓誌銘

陳太孺墓誌銘

丁元有墓誌銘

方子約墓誌銘

柯孺人墓誌銘

方東叔墓誌銘

黃柳州墓誌銘

周夫人墓誌銘

卷第三十九 墓誌銘

杜郎中墓誌銘

知常州陳寺丞墓誌銘

賢首座塔銘

林煥章墓誌銘

林養直墓誌銘

孫花翁墓誌銘

林判官墓誌銘

林承泰墓誌銘

趙孺人墓誌銘

林處士墓誌銘

卷第四十

墓誌銘

王孺人墓誌銘

林寒齋墓誌銘

少奇墓誌銘

審淵弟墓誌銘

叔父習靜墓誌銘

陳孺人墓誌銘

方寧鄉墓誌銘

方揭陽墓誌銘

方閣學墓誌銘

卷第四十一

墓誌銘

劉君方氏壙誌

刑部趙郎中墓誌銘

潘庭堅墓誌銘

陳安人墓誌銘

方潛仲墓誌銘

司農王少卿墓誌銘

卷第四十二

表牋

擬代謝表七

代遺表二

袁州謝表

廣東提舉謝表

廣東運判謝表

江東提刑謝表

袁州貢布表

江東謝戒諭城東表

賀明堂禮成表

賀皇后箋

進銀狀

謝明堂赦表

除將作監華文閣謝表

謝賜同進士出身表

經筵徹章轉官謝表

除祕閣修撰福建表

卷第四十三

玉牒初草

卷第四十四

玉牒初草

卷第四十五書

丁丑上制帥

戊寅與制帥論海州

庚辰與方子默僉判

辛巳荅傅諫議

乙酉荅真侍郎

乙酉荅傅諫議

乙酉與胡伯園待制

戊子荅真侍郎論選詳

卷第四十六書

與鄭丞相十三

與荅丞相

與游丞相三

與游丞相六

卷第四十七書

與游丞相二

與范丞相三

與范杜二相

與宰執

與高樞密

與郭小坡

與吳叔永尚書

與鄭昭武

與南雄翁教授

荅林公琰監場

卷第四十八行狀

寶章國博林公行狀

寶讓寺丞方公行狀

卷第四十九行狀

開府忠簡傳公行狀

卷第五十 行狀

參政真公行狀

典功郎新差昭州司法參軍林

秀發編次

後村先生文集目錄卷終

後村居士詩卷第一

詩 南嶽舊集

郭璞墓

先生精數學卜穴未應
恧疎因捋虎鬚死還尋魚腹居如
何師鬼谷却去友靈
骨此理憑誰詰詁人方寶葬葬書

魏太武廟

荒涼瓜步市尚有佛
狸祠俚俗傳來久行人信復疑亂
鴉爭祭處萬馬飲江
時意氣今安在城知暮更悲

徐孺子墓

今曉安墳意梅仙
廡傍醢成龍不至羅設鳳高翔黨

蜀人俱羨先生

香小詩拈未出何以備椒漿

宿庄家一首

初秋風露變偶出

庄家原稼無全穗阪荷有晚花疎

鐘籟澗響徹月轉

斜鄰媪頭如雪燈前目績麻

未交迷話曲度

踰波世上事如許山中人不知生

晴卧野橋

池粗識為農意秋輸每及時

北山作

有法枯閑甚惟

作隱君山行忘路脉野坐認天文字

瘦編題石詩

說雲近來仍喜曠閑事不曾聞

早行

認未真山顛雲似霧階上樹如人

燒新何煩看喉子來往暗知津

認粉標峯排神女峽寺創德宗朝

隋樵早知人世淡來住退居寮

作宮路盤青壁上瀑瀉白雲中

通幾時陰晦夜來此看拳空

旅人吹薪嘗海品書刺謁田鄰

頰小兒仍病瘡詩句竟無神

鮮痕大寒鳴似豹僧老瘦於猿澗
門城中梅未見已有數株繁

夕初雨多田有鶴潮小市無魚死
日經年稀見客磬折轉生疎

荷詩友俱來出埋銘久未磨聳
舊宅今移主斜陽掩涕過

夜過瑞香庵

深柵絕頂童子旋開扉問客來何暮云僧去未歸山
空聞瀑瀉林黑見螢飛此境惟予愛他人到想稀

送薛明府

長官三載內屢被督郵嗔鎮靜筇荆少公清縣庫貧流
租露野老掃榻待詩人祇恐鳧飛後民間事事新

蒜嶺

到此思家切寒衣半淚痕燒餘山頂禿潮至海波渾僕
怕昏無店人言近有村吾生輸野老笑語掩柴門

示觀老

住山仍黑瘦瓶錫極蕭然頂髮千莖雪跣趺一縷煙禪
堪拈出衆詩亦長於前燒盡西窗燭相看各不眠

武步道中

一路荒涼極無端過此頻官於鹽起稅俗事疊爲神
色初逢驛溪聲只隔鄰留題空滿壁不見有詩人

浦城道中

纔入僕霞路重裘尚不支居人收相實客子辦梅詩地
濕然箕坐霜寒隔被知向來真錯計不買草堂基

幽居寺

相傳有儒者唐李隱茲葦電已收此藁雲方鎖暮鐘不

碑無世次石漏斷人蹤此士何曾死林深不可逢

大目寺

來人云虎出留此到昏鍾寺小於諾剎山高似衆峯未
寒先得雪已夏尚如冬老子曾游浙微微有辨鋒

哭容倅舅氏二首

老近容州辟移書勸不回客近蕭寺哭喪附海舟來瘴
雨銘旌暗空山林磬哀未知墳上栢此去幾時栽
尚記陪言笑如今叫不應覓分身後俸僧上殯前燈
有遺基在田無一畝增問天何至此在日以廉稱

吳大帝廟

露坐空山裏，英靈喚不迴。久無祠祭至，曾作帝王來。壞
壁蟲傷畫，殘爐鼠印灰。今人渾忘却，江左是誰開。

鐵塔寺

細認苔間字，方知鑄塔時。不因兵廢壞，似有物扶持。古
殿人開少，深窻日上遲。僧言明受事，相對各攢眉。

聰老

聰老才堪將，髡緇意未平。傳中能結客，淨外又談兵。喜
聽詩家話，多知情何當。長鬚髮遣戍，國西營。

哭薛子舒二首

鑿自金壇至，猶言疾可爲。瀕危人未信，聞死世皆疑。交

共收殘葉，妻能讀殮儀。借來書冊子，掩淚付孤兒。

忍死教磨墨，留書訣父兄。讀來堪下淚，寄去怕傷情。莫
要師爲誌，詩於世有名。夜闌秋枕上，猶夢共山行。

贈川郭

川郭顛狂甚，平生挾術游。老猶攜侍女，貧不諂公侯。用
藥多投病，訓錢或掉頭。金陵官酒貴，應典舊貂裘。

贈錢道人

除了布裘外，都無物自隨。跣能行大雪，飢但噉華池。說
相言多驗，嫌錢事更奇。一般難曉處，裝背貴人詩。

張麗華墓

臺上栢蕭蕭空堂閉寂寥芳魂三尺土往事幾迴湖
翠尋難見埋紅恨未銷猶勝江令在白首入隋朝

送鄒景仁

衝寒何處去新戍尚來年客勸休辭幙君言已買船
清江有蟹葉脫木無蟬若過東林寺攜家往問禪

二將石侯韓仔

二將同時死路人聞亦哀力窮鹿轉急圍厚突難開
戰骨尋應在殘兵間有迴傷心郵遞裏隔日捷書來

陳虛一

幾載皖山耕忽提孤劍行戰場中有骨尺籍上無名

歸路身空試賊營却疑兵解去曾說鍊丹成

揚州作

幾多精甲沒黃沙野哭遙憐戰士家瓜渡月明空粉黛
燕城煙斷只昏鴉似聞漢使放王醢尚喜
招懷兩淮蚕織地春風不復長桑芽

南浦亭寄所思

只是從前瘦病身官卑活計太清貧買來晉帖多成贗
吟得唐詩轉逼真擬棄家尋劍客死當移冢近騷人
秋風爛熳吹雙鬢自送停雲欲捨神

蒜嶺夜行

嶺頭無復一人來
漁店收燈戶不開
松氣滿山涼似雨
海聲中夜近如雷
擬披醉髮橫簫去
只寄鄉書與劍迴
他日有人傳肘後
尚堪收拾作詩材

別教器之

舊說閩人苦節稀
先生獨抱歲寒姿
老年絳帳聊開講
當日烏臺要勘詩
東閣不游緣有氣
草堂未架為無資
輕煙小雪孤山路
折贖梅花寄一枝

哭楊吏部通老

白首除郎已晚哉
民間桑柘手親栽
蓋棺只着深衣去
行李空擔語錄迴
主祭遺孤猶未冠
著書殘藁漫成堆

可憐薄命飄蓬客
虛事江一真府來

老歎

肘後奇書懶更開
只今年鬢已相催
但聞方士騰空去
不見童男入海迴
無藥能留叟
帝在有人曾喚老
聃來醉鄉一路差堪向
終擬劉伶冢畔埋

谷友生

讀易參禪事事奇
高情已恨挂冠遲
清於楚客滋蘭日
貧似唐人乞米時
家為買琴添舊債
厨因養鶴減晨炊
君看江表英雄傳
何似孤山一卷詩

趙清獻墓

南渡先賢迹已稀蕭然華表立山陂可曾長更修祠宇
便恐樵人落樹枝幾度過墳偏下馬向來出蜀口攜龜
自憐日暮天寒客不到林間讀隧碑

烏石山

客子家山亦此峯可堪投宿聽疎鐘旋沽村酒開霜柿
欲訪禪扉隔暮松鄉信寫成無便寄寒衣著綻倩人縫
遠來只爲營瓜圃不是貪渠萬戶封

除夕

憶昔都城值歲除高樓張燭戲呼盧爰依淨社愛尊宿
難向新豐認酒徒天子未知工草賦鄰人或倩寫桃符

夜寒別有窮生活點勘離騷排九疋

呈袁秘監

近日頻聞有峻除人傳君相重師儒細旃坐穩方輪講
羣玉峯高未要扶別後曾過東閣否新來亦乞鑑湖無
幾時供帳都門外真寫先生作畫圖

漁梁

春泥滑滑雨絲絲一路陰寒少霽時水入陂渠喧似瀑
雲從山崦上如炊燎衣去傍田家火炙燭來看野店詩
落盡梅花心事惡獨搔蓬鬢遶殘枝

小梓人家

生來拙性嗜清幽因過山家爲小留頂笠兒歸行樹杪
提瓶婦去汲溪頭參天老竹當門碧盡日寒泉遶舍流
我料草堂猶未架規模已被野人偷

送拄杖還僧

頭白高僧行脚嬾一枝筇竹久生苔不逢太乙然藜照
時借山翁荷篠迴夜挂多尋蕭寺壁曉拈恐化葛坡雷
還師此物禪須進曾入詩人手內來

雪峯寺

七里深林集暮鴉插空金碧被林遮華堂何止容千納
菜地猶堪置萬家虎去有靈知伏弩僧來似舊約分茶

世人要識峯頭冷六月重綿坐結跏

蓋竹廟

借榻叢祠日已曛辦香頻此謁靈君儻來夢事休重下
向去詩材進幾分明主不消人諫獵故山空使客移文
寄書報與荆妻說十襲荷衣莫要焚

瓜洲城

先朝築此要防邊不遣見戰船遮斷難傳河朔檄
修來大費水衡錢書生空抱聞雞志故老能言飲馬年
慙愧戍兵身手健箔樓各占一間眠

送仲白

官舍蕭條葦蓋簷拾薪獨有一長髯
回來社友因飢瘦遠作參軍得俸廉
國士交情窮乃見古人詩律晚方嚴
中年各要身強健別後寒衣切記添

鳳凰臺晚眺

經月踈行臺上路秣陵城郭忽秋風
馬嘶衛霍空營裏螢起齊梁廢苑中
野寺舊曾開玉帳翠華久不幸離宮
小儒記得隆興事閑對山僧說魏公

贈玉隆劉道士

觀中曾訪老黃冠爾尚爲童立醮壇
新染氎衣披得舊泥丹竈出來寒詩
非易你須勤讀琴亦難精莫廢

上洪崖題瀑布因游試爲排塵看

晉元帝廟

元帝新祠西郭外野人吊古獨來遊
陰陰畫壁開冠劍寂寂絲窠上噪旒
勢比龍盤猶在眼事隨鴻去不迴頭
葉碑廊下無人看欲去摩娑又少留

清涼寺

塔廟當年甲一方千層金碧萬緇郎
開山佛已成胡鬼住院僧猶說李王
遺像有塵龕壞壁斷碑無首立斜陽
惟應駐馬坡頭月曾見金輿夜納涼

冶城

斷鏃遺鎗不可求西風古意滿
處頭孫劉數子如春夢
王謝千年有舊遊高塔不知何代作
暮笳似說昔人愁
神州只在闌干北度度來時怕上樓

雨華臺

昔日講師何處在高臺猶以雨華名
有時寶向泥尋得
一片山無草敢生落日磬殘鄰寺閉
晴天牛上廢陵耕
登臨不用深懷古君看鍾山幾箇爭

新亭

此是晉人遊集處當時風景與今同
不干鐵鎖樓船力
似是蒲葵塵柄功幾簇旌旗秋色裏
百年陵闕淚痕中

興亡畢竟緣何事專罪清談恐未公

魏勝廟

天與精忠不與時堂堂心在路人悲
龍顏帝子方推歡
後臂將軍忽死綏灑泣我來瞻畫像
斷頭公耻立降旗
海州故老凋零盡重見王師定幾時

真州北山

憶昔

入控弦官軍迎戰北山邊
笳蕭有王安新莽

萋笠無人墾廢田
兵散荒營吹戍笛
僧從敗屋起茶煙
遙憐鍾阜諸峯好
閑鎖行宮九十年

故宅

恰則炎炎未百年今看枯柳着踪蟬莊田置後頗移王
書畫殘來亦賣錢春日有花開廢圃歲時無酒滴荒阡
朱門從古多如此想見魂歸也愴然

送余子壽

去歲與君同聘召何曾杯酒暫相離兵謀元帥多親訪
心事同官盡得知三金忽懷歸去檄一枰未了着殘棋
此生聚散須牢記記上揚州戰艦時

送周監門

一領青衫似敗荷柰君母老秩卑何三年幕府無人薦
常日柴門有客過身畔擔輕藏俸少江頭船重載書多

故人若問軍中事為說防秋夜枕戈

挽黃巖趙郎中二首

朱公徒弟兵公壻標致雖高氣宇和心向奏篇尤暴白
髮因時事欲蒼皤訃傳淮甸邊情惜路出蕭山巷祭多
最長郎君師友盛我知墓碣有人磨

青衫昔作督郵時賞鑒除公更有誰勘獄不嫌人守法
撰文常對衆稱奇築臺虛尊生前意穿冢難酬地下知
欲寫哀思傳挽者身今戎服不能詩

寄趙昌父

世上久無遺逸禮此翁白首不彈冠一生官職監南臺

四海詩盟主玉山經歲著書人少見有時入郭俗爭看
何因樵服供薪水得附高名野史間

寄韓仲止

昨仕京華豪未減脫鞵不問貴游嗔詩家爭欲推盟主
丞相差教作散人閉戶自爲千載計入山又忍十年貧
幾思投劾從公去背笈肩琴澗水濱

戊辰書事

詩人安得有春衫今歲和戎百萬練從此西湖休挿柳
剩栽桑樹養吳蠶

晚春

書幌泠泠子夜風杜鵑啼月小墻東江南詞客惜春功
清曉披衣拾墻紅

臨溪寺二首

綠染庭蕪一尺深老師閱世幾駒陰且烹不看傳燈了
只讀楞嚴見佛心
一徑松花颭紫苔東風落盡佛前梅道人深掩禪關坐
莫聽鶯聲出定來

即事

自汲新泉養牡丹銀雲浦貯怕春殘畫簷一餉東風惡
爲掩窻綃護晚寒

孺子祠

孺子祠堂插酒旗
游人那解薦江籬
白鷗欲下還驚起
曾見陳蕃解榻時

碧波亭

了却文書上馬遲
白蘋洲畔有心期
斜陽忽到傳觴處
落盡梨花啼子規

豫章溝

溝水泠泠草樹香
獨穿支徑入垂楊
齊花滿地無人見
唯有山蜂度短墻

野店蕭蕭掩竹門
岸沙猶記復基痕
東風枉是吹花盡

綠蓋平蕪劫斷魂

題寺壁二首

栢子熏衣眉暈銷
女垣榆影冷蕭蕭
屏山一枕游方夢
橫錫飄然過石橋

素練寬裁白社衣
普陀煙裏現幽姿
日長讀徹楞伽了
閑折柑花供祖師

西山

絕頂遙知有隱君
冷芝種木鹿爲羣
多應午竈茶煙起
山下看來是白雲

宮詞四首

出海新蟾玉半鉤風翻荷蕩起栖鷗女郎定有穿針約
偷看明河記立秋

涼殿吹笙露滿天木犀花發月初圓君王少御珊瑚枕
多就宮人玉臂眠

一夜秋風入碧梧蟬聲永巷月華孤幾回夢裏羊車過
又是銀牀轉轆轤

先帝宮人總道粧遙瞻陵柏淚成行舊恩恰似薔薇水
滴在羅衣到死香

秋風

黃葉蕭蕭忽滿街獨騎瘦馬豫章臺莫將宋玉心中事

吹向潘郎鬢畔來

跋小寺舊題

禪几曾陪白氎巾柑花似雪鬪芳新而今柑子圓如彈
不見澆花供佛人

憶殤女

靈照羈魂章水西冷風殘雪古招提老懷已作空花看
更把楞嚴曉病妻

報恩寺

一抹斜陽上繚垣堯花蒲地柏陰繁城中客早聞鍾去
獨立空山聽斷猿

歸至武陽渡作

夾岸盲風掃棟花高城已近被雲遮遮時留取城西塔
蓬底歸人要認家

舟中寄景建

低蓬小雨夢殘時忽憶同尋楚老祠夜過豐城占斗氣
想公別後有新詩

書山壁

斲地栽林自起墳一燈精舍疏玄文詩成莫洒酒家壁
題徧青山題白雲

華嚴寺逢舊衲頭

曾向叢林寄幅巾十年塵洗卧雲身侍琴童子長於孺
去禮山僧作主人

田舍

稚子呼牛女拾薪萊妻自贍小溪鱗安知曝背庭中老
不是淵明輩行人

古墓

石麟闕耳筍生苔要讀豐碑與客來精舍荒涼僧已出
瓦墻一朵佛桑開

題本草

勤讀方書不為身里中耆舊半成塵幾時作箇荒山主

多種黃精售與人

下蜀驛

幄殿荒涼屋欠扶
紹興遺老故應無
舊來曾識高皇帝
尚有庭前柳一株

出郭

江邊一雨洗秋容
北郭東郊野意濃
老大怕它人檢點
隔溪隔柳看芙蓉

病起

病起登樓怯曉風
愛他殘雪映前峯
傍人休問何郎瘦
不見梅花過一冬

再贈錢道人二首

拙貌慙君子細看鏡中我自覺神寒
直從杜甫編麻起
幾箇吟人作大官

尋師入蜀未曾逢
要看羅浮曉日紅
若見仙人知去處
却來相引到山中

後村居士詩卷第一

後村居士詩卷第二

詩南嶽第一葉

蒙 恩監南嶽廟

父問嫖姚乞退閑今朝準勅放生還人欺解罷青油幕
帝遣監臨紫蓋山營卒展辭回玉帳林僧講賀到柴關
丈夫不辦封侯事猶要名標處士間

烏石山

兒時逃學頻來此一一重尋盡有蹤因漉戲魚羣下水
緣敲響石闢登峯熟知舊事惟鄰叟催去韶華是暮鍾
畢竟世間何物壽寺前雷竹百年松

葺居一首

兵火間關鬢欲絲歸來聊卜草堂基
架留手澤書堪看
爨有躬耕米可炊
畏濕先開通水竇
貪明稍斫近簷枝
旋移梅樹臨窗下
準備花時要索詩

挽郭處士

昔聞東郭先生者
處士寧非是遠孫
空有新詩喧一邑
竟無明詔老孤村
雷琴酷愛應同殉
草字尤工惜不存
復說歸從葱嶺去
騷成何路可招魂

老將一首

昨解兵符歸故里
耳聽邊事幾番新
偶逢戲下來猶識

欲說遼陽記不真
兒覓寶刀偏愛惜
奴吹蘆管輒悲吟
夜寒忽作關山夢
萬一君王起舊人

老馬一首

脊瘡蹄蹇瘦闌干
火印年深字已漫
野礪有冰朝洗怯
破坊無壁夜嘶寒
身同退卒支殘料
眼見新駒鞞寶鞍
昔走塞垣如抹電
安知末路出門難

老妓一首

籍中歌舞昔馳聲
憔悴猶存態與情
愛說舊官當日寵
偏呼狎客小時名
薄鬟易脫梳難就
半被常空睡不成
却羨鄰姬門戶熟
隔樓張燭到天明

挽趙仲白二首

生被才名譴摧殘到死休家留遺藁在棺問故人求對
月悲孤詠逢山憶共遊昔年携手地今送入松楸
昨吊寢門外萊妻泣最悲因言兒上學復爲墓求碑零
落燒丹訣淒涼哭鶴詩託孤朋友事非謂九泉知

贈風水僧

向人說葬又談空郭璞瞿曇併入宗肯得山經如誦呪
頂將禪笠去尋龍徧爲檀越栽生壙預定公侯出某峯
想亦自營歸寂處一丘如塔種青松

挽鄭夫人二首

李尚書母

九秩復何憾生榮沒更哀閨門天下則地位佛中來
一
燕從頭看庭槐一手栽侍兒聞曉磬猶恐坐禪迴

昔事征西幕年年拜壽闈那知丹旆至曾勸板輿歸元
帥拋金印諸生返布衣感恩惟有淚來向路傍揮

除夕

除夕陰寒怕卷簾雨聲斷續下踈簷壁穿自和乾泥補
窻損教尋廢紙粘祗有青燈相守定縱無白髮亦生添
更殘自筭明年事不就君平卦肆占

挽鄭淑人

李尚書內

憶在軍中爲記室謝公門館事皆知謙卑若婦初嬪日

儉素猶夫未貴時病了死生惟點首晚憂家國每擗眉
舊人獨有任安在攬涕西風獻此詞

悼阿昇

寶惜吾兒如拱壁那知變滅只須臾
畏啼尚宿通宵火塗頤猶殘隔日朱
坐客相寬云夢幻故人來吊訝清麈
荒山歲晚無行迹心折原頭樹影孤

送真舍人帥江西八首

諫書元不為求名上有穹蒼鑒至誠
索虜傳觀皆動色豈知難悟漢公卿

聞道泉人截鞞留林從此去吾州村中父老相持泣

但祝今侯似故侯

船客珠犀湊郡城向來點沈幾名卿
海神亦歎公清德少見歸舟箇樣輕

應對談諧路亦開漢家天子日招徠
當時惟有膠西相不向平津閣裏來

淮漢云云戰血腥蜀山鬼哭不堪聽
如何一綫江西路獨現奎星併福星

自昔安危等置棋繫人着數匪天爲何
因國手來當局要看開奩布子時

少小聞人說復讎至今禾黍徧宗周
自憐謝病離軍去

始聽王師下海州

身已爲民與世疎的無一步離村居昨朝出郭遲入至
廢了窻間數葉書

與客送仲白葬回登石室

絕頂荒寒斷客過偶攜之子共捫蘿縱觀天外皆鯨浪
下視城中等蠹窠悼友孤懷方濩落逢僧逆境暫銷磨
夜歸剩乞松明火霜滿前山滑處多

立春二首

恰歸舊隱再逢春村巷荒涼草没人犬壞園中門作竇
盜規墳上樹爲薪官如巫祝難羞賤家似樵漁敢諱貧

關說鄰醅低價賣病夫一滴未沾唇

今歲春盤始住家也勝羈旅走天涯圃晴菜拆經霜
林暖梅飛徧地花開有工夫憂世事老無動業惜年華
近來死盡吟詩者得句聊從野叟誇

去春

去春烽火照江邊曾草軍書夕廢眠萬里旌旗真屬命
一丘耕釣且隨緣偶然謝客元非病間亦尋僧不爲禪
尚有惜花情味在銅鉗終日玩芳妍

燈夕

千炬金炬映玉葉臺城昨夢又在餘斷無絃索鳴華屋

惟見炊煙起草廬
覓報瓶空因止酒
婢言油盡暫停書
蓬窻亦有精勤士
何必然藜向石渠

戲孫季蕃

少日逢春一味癡
輕鞭小袖趁芳時
常過茶邸租船出
或在禪林借枕歌
名妓難呼多占定
好花易落况開遲
身今憔悴投空谷
悔不當年秉燭嬉

匹馬

匹馬曾經小店炊
一株玉雪映疎籬
無言誰識含情處
有韻全看背面時
乍見心方驚絕艷
重來人已折繁枝
斷烟殘照山村路
消得劉郎一首詩

宿囊山懷洪岳二上

憶在山中識二僧
一亡一已拂衣行
壁間笠屐名藍掛
寺外松過壽塔生
隴月定知今夕恨
澗泉猶咽舊時聲
隔房侍者皆新剃
不似閑人却有情

訪辟支巖絕頂二僧值雨

聞有比丘隱絕巖
多年無跡下山前
僧稱功行幾如佛
樵說神通復近僊
食少僅炊盈握米
身寒不挂半銖綿
重巖風雨妨遊陟
回眺蒼烟一惘然

送王實之赴長沙幕

殿試第四人

賢傳遺蹤在君於
此泛蓮不應早濕地
猶着廣寒仙策

好人爭誦名高士，責全衡山余所管。擬結草鞵緣。

哭豐宅之吏部二首

江表依公稍自強，訃聞朝野共淒涼。纛移北府兵皆散，
笳返西州宅已荒。舊戍交鋒淮水赤，新墳埋劍越倉。
此身虛作田橫客，血淚無因滴壠旁。

康時才業未全伸，晚建油幢白髮新。奮土爲城塵湏而，
握拳猶戰膽通身。一生偏任公家怨，四海皆知後事貧。
多少貴交方厚祿，恤孤吊墓屬何人。

深村

身老深村負歲華，青苔逕裏是貧家。晚風一陣無端

不爲山人惜袖花。

挽林進士

一門皆擢第，君獨老儒冠。試卷年年納，經書日日看。文
爲前輩賞，命合主司難。遙想泉臺恨，銘旌未寫官。

東人求驢子

聞在江寧得小驢，價高人說是名駒。行時亦肯過橋否，
飢後還能飲澗無。不稱金鞍馱侍女，只宜席帽載貧儒。
灞陵雨雪詩家事，乞與它年做畫圖。

寄漢陽守王中甫

自辭莫府徑歸耕，同舍分携闕寄聲。帳下飛書空有草。

軍中上級獨無名山深僕不聞時事塞近君應得
聞道漢東堪卧治訊來依舊說招兵

與客登壺山絕頂

十里稀逢寸地平且無木影陰人行見飛難學王喬舄
魚貫全如鄧艾兵樵子獻花簪帽重山靈供水入瓢清
捫蘿莫恠匆匆下恐賺林僧束炬迎

戲荅同游

君到中峯力不加却疑絕頂事皆誇烟含晚市微分塔
日照鄰州近隔沙

次方武成壺山韻

西經云此有神仙曾見帝公跳入年斫木人多山漸瘦
結庵僧去石誰眠鳥歸半世領銜斜日樵返疎村起遠煙
君若能拋塵裏事一龕共占野雲邊

挽林推官內方孺人

文軒侍郎子婦

身畔無釵澤何由葬禮奢明時選人婦先帝近臣家白
首持巾悅青燈緝苧麻寺西同笑處風日愴寒笳

方湖泛舟得南字

湖波煙雨綠如藍小艇閑推乃客二三墜絮颭萍生細浪
驚魚避鷺沒深潭入荷似覺傍無岸穿石方知上有巖
却凭朱樓同望海一規寒玉帖西南

空寂院

院名誰遣稱空寂入得門來寂又空舊有田園官戶占
別無衣鉢老尼窮砌傾苔色浸堂上厨廢炊煙起草中
或說古碑巢冠寫栖禽不下似傷弓

紫澤觀

修持盡是女黃冠自小辭家學在山簾影靜垂斜日裏
磬聲徐出落花間祭星綠簡親書字避客青衣密掩關
最愛粉牆堪試筆苦無才思又空還

靈寶道院

兩行松繞垣數箇竹當軒山主出何處道人知不言

携詩草至尚魯齋聲煩俗奉監僊謹儒家亦捨權

方寺丞祈第二首

宅成天下借圖看始笑書生眼力慳地占百弓多是水
樓無一面不當山荷深似入茗溪路石怪疑行鴈蕩開
只恐中原方鼎沸天心未遣主人閑

一生不蓄買田錢華屋何心亦偶然客至多逢僧在坐
釣歸惟許鶴隨船按行花木皆僚友主掌湖山即事權
京洛貴人金谷裏安知世上有林泉

小齋

小齋自理畫并琴匣貯香薰怕蠹侵出塞已忘傳檄夢

入山猶有著書心南船不至城無米北貨難通藥闕參
却爲貧居還往少門前留得綠蕪深

東巖寺避暑

若非來寺裏無地避炎炎經兩房基潤依山井氣冰樹
虛涼睡容松濕滴歸僧對此專宜靜爲詩亦不應

方寺丞艇子初成

船成莫厭野人過久欲從公具釣蓑積雨晴來湖面闊
殘花落盡樹陰多新營小店皆依柳舊有危亭尚滿荷
所恨前峯含暝色不然和月宿烟波

友人病瘡

自檢方書坐一床教尋膏白采蒲黃畫眉連日踈慵
鍊氣通宵住道房倦聽瀑聲令睡醒悶拈詩卷遣心涼
猶勝華髮從軍客歸卧茅簷養戰瘡

乍暑一首

南州四月氣如蒸却憶吳中始賣冰綠浦遊船常載妓
畫廊浴鼓或隨僧夢過水榭聞涼笛身在山房伴曉燈
怊悵烏絲欄上筆蓬窻學寫字如蠅

衛生

衛生草草昧周防小郡無醫自處方採下菊宜爲枕睡
碾來芎可入茶嘗身因病轉添蕭颯人到衰難再盛強

舊喜讀書今亦懶銅鑪慢炷一銖香

先儒

先儒緒業有師承非謂聞風便服膺康節易傳於隱者
濂溪學得自高僧衆宗虛譽相賢聖獨守遺編當友朋
門掩荒村人掃迹空鈔小字對孤燈

同孫季蕃游淨居諸庵

捨俗依空事梵王韶顏寂寂度年芳門前草色迷行徑
院裏花陰接步廊弓樣展來靴尚窄黛痕刺出頂應涼
當時若使窺鸞鏡一步何因出洞房

又一首

滿院靜沉沉微聞有梵音不來陪客語應恐壞禪心毋
處歸全少師邊悟已深戒衣皆自衲因講始停針

孟夏汎方湖得同字

長笛橫吹露滿空施行渾不辨西東岸回初見遙峯出
浦盡新流別港通月照鷺身明石畔風翻螢影沒荷中
書生此樂閑時命歎息無因夜夜同

又得湖字

帝賜先生一曲湖畫船領客汎菰蒲覆茅亭子尋猶遠
隔柳人家看似無渴嗜瀑泉頻遣汲醉行釣岸屢嗔扶
假令不立功名死史筆湏編入酒徒

問友人病

病來清瘦欲通僊，深炷香篝掃地眠。
野客勸尋廉藥買，外人偷出近詩傳。
術庸難靠醫求效，俗陋多依鬼乞憐。
鷗鷺如欺行迹少，分明溪上占漁船。

偶賦

身已深藏畏俗知，客來鄰曲善為辭。
偶彈冠起成何事，徑拂衣歸自一奇。
村飲婦常留燭待，山行童亦挾書隨。
明時性學尤通顯，却悔從初業小詩。

滄浪館夜歸二首

萬疋沙場似電奔，轟天笳鼓簇陳門。
而今出借東家

兩孤村小麥村

立馬飛書萬衆看，雪花滿硯指皆寒。
自憐衰憊今如出，枕上裁詩字未安。

贈翁定

相逢乍似生朋友，坐久方驚隔闊餘。
徧問諸郎皆冠帶，自言別業可樵漁。
住鄰秦系曾居里，老讀文公所著書。
十七年間如電瞥，君鬚我鬢兩蕭疎。

送孫季蕃

家在吳中處處移，的於何地結茅茨。
囊空不肯投牋乞，程遠多應稅馬騎。
短劔易錢平近債，長鉞傾酒話餘悲。

衡山老祝淒涼甚明日無人共講詩

哭毛易甫

至尊殿上主文衡誰料臺中有異評垂二十年猶入膜
後三四榜盡登瀛白頭親痛終天訣丹穴雛方隔歲生
策比諸儒無媿色自緣命不到公卿

月下聽孫季蕃吹笛

孫郎痛飲橫長笛玉雪曾襟鐵石顏解噴清霜飛座上
能呼涼月出雲間病創凍馬嘶荒塞失侶窮猿叫亂山
可惜調高無聽者紫髯白盡鬢毛斑

哀陳疇

滿懷干世策自請戍邊城不得兵書力翻成禮部乞假
方調錦瑟客已吊丹旌都下人來說還因喜喪生

題方武成詩草

性僻愛詩如至寶借君詩卷百廻看吟來體犯諸家少
改定人移一字難東溟爲題猶天矯吞山入句尚蒼寒
嗟余老鈍資磨琢安得同衾語夜闌

送劉連江之官

舊說土風淳今聞未易馴勢侵官府弱稅去縣衙貧撲
印辭州遠開軒與海鄰中朝裁豸者多用滿歸人

挽柯東海

不持寸鐵霸斯文疇昔曾將膽許君
撰出騷詞奴宋玉
寫成帖字婢羊欣
喪無歸費人爭賻
詩有高名
昨覽埋銘增感愴
纍纍舊友去為墳
聞

送客

騎驢送客一壺隨
汗透中單熱似炊
客又不來天落雨
路邊茅舍坐移時

哭王宗可

昨現官身往今迎影子
迴揔云見入觀誰料
鵬為災巷
靜公人去門荒
吊客來故園
花滿架猶似去年開

書考一首

香火精勤閱一暮
孤臣無路吞洪私
街如已廢陳人
棒比初開小學時
世上升沉姑付酒
考中功狀是吟詩
五錢買得羊毛筆
自寫年勞送有司

哭常權

予主靖安縣簿君為令

曾佐下風山縣裏
長官貴重若神明
行香整寺徐方至
白事琴堂久始迎
遠遞無書悲契闊
老襟有淚愴生平
郎君如玉聞先天
誰護丹旌問去程

亢蟻一首

亢蟻能防患常於未雨移
聚如營落日散似去邠時
斷續緣高壁周遭避淺池
誰為謀國者見事反傷遲

方寺永除雲臺觀

河嶽腥膻憤未忘，羨公遙領舊靈光。
草荒太白騎驢跡，雲冷希夷委蛻裳。
定有遺民來獻土，可無散吏去焚香。
吾聞同華多竒觀，不比炎州寂寞鄉。

哭方主簿伋

鷄衣不似擁千金，用破燈窓一世心。
太學空聞能賦久，春官未察讀書深。
柴車巾出身猶健，槐簡拈歸病已侵。
寂寞殯宮來客少，故人野外獨沾襟。

陳寺丞續荔枝譜

蔡公絕筆山川歇，荔子蕭條二百年。
選貌略如唐進士

慕名幾似晉諸賢，豈無品劣聲虛得。
亦有形佳味不然，題徧貴家臺沼後。
請君物色到林泉。

棋

十年學弈天機淺，技不能高謾自娛。
遠聽子聲疑有着，近看局勢始知輸。
危如巡遠支孤壘，狹似孫劉保一隅。
未肯人間稱拙手，夜齋明燭按新圖。

宿千歲庵聽泉

因愛庵前一脉泉，襍衾來此借房眠。
驟聞將謂溪當戶，久聽翻疑屋是船。
變作怒聲猶壯偉，滴成細點更清圓。
君看昔日蘭亭帖，亦把湍流替管絃。

題方寺丞西重山瀑布亭

與客窮源上盡山林霏初卷嶺泥乾似嫌甲第施朱戟
別築茅亭俯碧湍龍怒豈容綠磴汲電寒不敢近崖看
平生粗有秋臨膽今日凭高立未安

秋夜有懷傅至叔太博父子

憶昔遊君父子間高才窮力莫追攀讀書衆壑歸滄海
下筆微雲起太山幼嗣尚存宗武在遺文難附所忠還
荒丘衰草埋雙璧元坐空齋涕自潸

書小窻所見

榦接枝分整復斜隨綠裝點野人家小窻有喜無人知

蘭在林中出一花

哭宋君輔倚

早題淡墨魁多士晚着青衫事護軍方見叔孫來議禮
已傳子夏去修文先朝繅藉爲圭璧近世摧殘用斧斤
回首冶城棋飲地鴉悽蟬咽不堪聞

曝書一首

秋齋近午氣尤炎命僕開箱更發奩蟲蝕闕文勞注乙
嵐侵脫葉費裝黏雲迷玉帝藏書府日在山人炙背簷
誰道閑居無一事袒衣揮扇曝芸籤

觀元祐黨籍碑

嶺外瘴魂多不返冢中枯骨亦加刑稍寬末後因奎宿
暫仆中間得彗星蚤日大程知反覆莫年小范要調亭
書生幾點殘碑淚一平諸賢地下靈

荅翁定

牢落祠官冷似秋賴詩消遣一襟愁喜延明月常開戶
貪對青山懶下樓客詫瀑竒邀往看僧誇寺僻約來游
何當與子分峯隱飢嗅巖花渴飲流

挽陳潮州伯霖

當年舍選最居優上到青雲亦白頭律賦數篇天下誦
遺書幾卷館中留入游太乙曾臨地出牧昌黎所典州

湘零今欲盡傷心笳吹掩新丘

聞城中募兵有感二首

調發年多籍半空虎符招補至閩中庄農戎服來操戟
太守儒裝學拍弓去日初辭鄉樹綠到時愁見戍旗紅
募金莫作纏頭費留製衣袍禦北風

昔在軍中日募兵萬夫魚貫列行營懸金都市招徠廣
立的轅門去取精二石開弓猶恨少雙重被鎧尚嫌輕
還存今屬他人手歷歷空能記姓名

哭張玉父

華髮客朱門文高道又尊十分窮不屈一片氣長存籬

掩湖邊宅墳依郭外村二孤彈舊鉢泣感孟嘗恩

友人病疴

昔聞詩可驅疴疾今日詩人疾自嬰勢似邊兵鏖未解
根同野草剗還生能蠲熱障惟山色解洗煩襟只澗聲
溪友祝君如虎健督僧栽種課奴耕

書事二首

黃旗旁午責軍需括匠搜船遍里閭士稚去時無鎧仗
武侯屯處有儲胥粟空都內憂難繼甲出民間策恐踈
昔補戎行今簡汰空搔短髮看兵書

人道山東入職方書生臨信小慮空長遺民似蟻飢難給
俠士如鷹飽易揚未見馳車修寢廟先聞鑄印拜在
齊齊父老雁流涕何日鸞旗駐路旁

李文饒一首

畫取維州如槁葉策禽潞將似嬰兒九原精爽久猶畏
想見中書秉筆時

西風二首

性愛芙蓉淡復穠倚欄日日待西風池邊數本無消息
愁絕東家半樹紅
老業猶存是苦吟或投野店憩寒林西風何處無詩料
水際山顛亦去尋

昔仕

昔仕年傷早今歸計恨遲
賴存南嶽草可答北山移

後村居士詩卷第二

後村居士集卷第三

詩南嶽第二藁

九日次方寺丞韻

木落山凋水見涯
感時短髮半蒼華
人陪相大將軍宴
誰管陶潛處士家
砧動寒衣貧未剪
杯空隣酒貴難賒
病身索漠如黃蝶
繞匝籬邊未有花

戲鄭閩清灼艾

點穴不須鑿針經
手自披既云丹熟後
焉用火攻爲簡
出創牽步端居痛
上眉閉門功行滿
應有解飛時

暝色

眼色千村靜遙峯帶淺霞荷鋤歸別墅乞火到隣家疎
鼓聞更遠昏燈見字斜小軒風露冷自起灌蘭花

示寶上人

昔尋老岳到庵西岳死庵空路已迷師舉舊詩余不記
茫然恐是夢中題

海口官舍

曉起齋中望千家未啓扉潮能驅海走風欲挾人飛煙
寺鍾初定霜林葉半稀客身偏畏冷着盡帶來衣

瑞峯寺

寺在高山頂天寒偶一登孤僧營粥飯諸佛闕香燈潮

落洲分派林疎塔見層危欄百老眼欲去幾迴凭

瑞巖

金碧千間盡惟庵免劫灰佛歸何國去僧自別峯來
石神鞭至懸崖帝鑿開幽尋情未已木杪夕陽催

荅湯升伯因悼紫芝

紫芝曾說子能詩開卷如親玉樹枝古佛寫成翻水偈
天仙遺下步虛詞的然沈謝何難識逝矣應劉不可追
寂寞西湖三尺墓誰携斗酒一澆之

有中貴人葬紫芝于西湖之上

挽林宜人

曾究西方學儒書亦有聞賜金存日施遺珥病時分白

首夫同穴青山子結墳吾詩非溢美字字攷埋文

送葉知郡

家在春風住二年借侯無路意悽然到來不飲官中水
歸去難謀郭外田燈遠村民多點塔擔輕津吏易排船
壺公亦似追程送青過囊山古寺前

送人赴廬陵尉

聞說江西路而今不宿師省民來着業少府去吟詩夜
月營門鼓春風射圃旗雖然溪峒事閑暇要先知

別翁定宿瀑上

偶送詩人共宿山擁爐吹燭聽潺湲已怪茗事將安枕

園看梅花復啓關崖色無苔通磻底月光如練抹林間
平生所歷同郵寄獨到庵中不忍還

身在一首

身在樵村釣瀨行秋豪不與市朝爭且云嗜酒相繩急
謗到吟詩所犯輕沉水一銖銷永晝蠹書數葉伴殘更
閉門孤學無窮味笑殺韓公接後生

臘月十日至外祖尚書家

古樹暗朱門空堦篆籀痕昔容萬間屋今止數家村泉
少池因廢田荒廩尚存遺書零落盡身愧史遷孫

命拙

命拙躬耕逢歉歲旋營水菽度晨昏晴天田舍禾歸窖
臘日山家酒滿盆護竹短牆修復壞澆花小井汲來渾
早知不是封侯相蓑笠何因肯出村

憶真州梅園

當年飛蓋此追隨慘澹淮天月上時樹密徑鋪氈共飲
花寒常怕笛先吹心憐玉雪空存夢塵暗關山阻寄詩
縱使京東兵暫過可無一二斫殘枝

歲晚書事十首

荒苔野蔓上籬芭客至多疑不在家病眼看人殊草草
滿林迢遞見梅花

日日抄書懶出門小窻弄筆到黃昏
墨嬾子忙勻粉
不管先生硯水渾

踏破儂家一徑苔雙魚去換隻雞回幸然不識聱牙字
省得閑人載酒來

書生元不信機祥老去無端慮事詳白髮社巫云日吉
明朝溼井更苦墻

鬱壘鍾馗尚改更青雲變幻幾公卿人間止有章泉叟
撲斷衡山了一生

細君炊秫婢繰絲綵勝酥花摠不知窻下老儒衣露肘
挑燈自揀一年詩

門冷如冰儘不妨由來富貴屬蒼蒼誰能却學癡兒女
深夜潛燒祭竈香

歲晚郊居苦寂寥日高盪酪去城遙深深榕溼古墻裏
忽有銀釵叫賣樵

主公晚節治家寬婢慣奴驕號令難圍在屋邊慵種菜
井臨砌畔怕澆蘭

丐客鷄衣立戶前豈知儂自窘殘年染人酒媪逋猶緩
且送添丁上學錢

元日

元日家童催蚤起起搔公髮惜殘眠未將柏葉簪新歲

且與梅花叙隔年甥姪拜多身老矣親朋來少屋蕭
人生智力難求處惟有稱觴阿母前

寄題李尚書秀野堂一首

江上歸來兩鬢絲倒囊惟剩草堂貫雲山有態爭呈獻
天海無邊入指麾怪石遠從商舶至名花多自別州移
寄聲獨樂先生說世事而今尚可為

又真止堂一首

作堂肯以止為名出處遙知講已精縱使曾中橫綠野
未應度外置蒼生波顏公獨能山立漏盡人方喜夜行
千載英雄須冷笑孔明回首學淵明

晚悟

晚悟才爲崇深居學養生乃知景升子差勝少游兄絕
澗携鉞汲空山抱耒耕兒孫聽苦語世世勿談兵

書燈

童子糊新就籠紗碧色深喚回少年夢照見古人心每
對忘甘寢頻挑伴苦吟與君交到老莫慮棄墻陰

書感

鬢髮馳逐少年場晚向深山學老莊名以馬牛猶不校
嘲爲狔犬極何妨性踈熟客來難記意懶生書讀易忘
却笑癡人誤標榜賢愚千古共茫茫

山茶

曾女行霜下曉空山茶獨殿衆花叢不知戶外千林縞
且看盆中一本紅性晚每經寒始色深却愛日微烘
人言此樹尤難養暮漑晨澆自課僮

落梅

一片能教一斷腸可堪平砌更堆墻飄如遷客來過嶺
墜似騷人去赴湘亂點莓苔多莫數偶黏衣袖久猶香
東風謬掌花權柄却忌孤高不主張

又一首

昨夜尖風幾陣寒心知尤物久留難枝踈似被金刀剪

片紅疑經玉杵殘痛叱山童持帚去肯留野客坐苔看
月中徙倚憑空樹也勝吳兒賞牡丹

野性

野性無羈束人間毀譽輕客言詩惹謗妻諫酒傷生窻
納鄰峯碧瓢分遠澗清近來尤少睡打坐到鍾聲

懷保寧聰老

秣陵一見歎魁梧每恨斯人不業儒幾度劇談俱抵掌
有時大醉勸留鬚探梅尚憶陪山屐煨芋何因共地爐
我已休官師退院肯來林下卓庵無

哭五一弟先輩二首

未冠辭家出麻衣不肯廻瘦因身久客真為性疎財精
力書中去科名病裏來空傳場屋義留與鋪家開
自小即相依天涯影伴飛共燈抄細字分俸贖寒衣已
痛身長訣猶疑客未歸素幃惟幼女斷續哭聲稀

腰痛

偶得休文病行遲卧不安益綿身尚怯加劑脉猶寒扶
出看山易驅教立雪難邊頭方募士自愧已衰殘

上冢

落梅萬點曉泥乾擘紙携家去上山寧與先君遊地下
肯隨諂子乞墻間墜墻漬雨頽偏易沙土栽松長極艱

再竟有慙廬墓士林寐夜只付僧關

平床嶺 以下十二首辛巳游山作

一動非容易三年議始成
情人挑旅橐買紙割山程
下嶺峯如拜登崖樹若迎
暫無塵事汨便覺長吟情

溪西

暮止溪西宿喧呼聒四鄰
滿村無別姓比屋喜生人
解榻勤為黍烘衣許覓薪
客房惟有月偏照不眠身

夾漈草堂

嶺絕瀑源窮曾於此築宮
得知千載上因住萬山中
廢址苔荒盡遺書電取空
高皇南渡始却議及招弓

棋山院

昔日棋山院今惟認土丘
有僧逃債去無主施錢修野
叟樵難禁崑僊亦未休
何須悲幻境佛比作浮漚

西林寺

將謂如廬草因迂數里行
問俱無古迹來等慕虛名
借榻眠難熟逢碑眼暫明
殘僧逃似鼠難結社中盟

興化縣

繞縣百千峯初疑路不通
居民猶太古令尹似春風
箏遠呼難至杯寒吸易空
却從歸路望飛榭半天中

麥斜

文三三
諺比武夷君來游稱所聞崑開花似染洞出氣如雲屋
老殘詩在崖枯小篆焚只疑龕室內猶有文軒文

鯉湖

凡是龍居處皆難敵此泉下窮源至海上有穴通天小
派猶成瀑低峯亦起煙莫疑乘鯉事能住即能僊

蔡溪巖

陳聘君隱處

愛瀑戀苔磯難招出翠微死因巖作墓生以石為扉已
歎逃名是猶嫌學佛非後來無此士不但鶴書稀

九座山

化盡開山物惟存翠堵坡俗傳潭出雨借說火因魔舊

給唐錄暗新鐫蔡字訛巖前觀蟻石尤覺奇疑多

香山寺

佛廢何關儒者事要知開剏亦辛勤居人公拆純羅柱
巨室深藏舊記文鍾已毀樓移出寺石猶鐫字徒為墳
吾詩句句通陰隲安得檀那子細聞

仙遊縣

不見層崗與複崑眼中夷曠似江南煙收綠野連青嶂
樹闕朱橋映碧潭丞相無家曾住寺聘君有字尚留庵
荒山數畝如堪買徑欲誅茆老一龕

觀溪西子第降僊

似有物憑箕傍觀競卜疑曾從師授易肯問鬼求詩崑
穴雖高枕乾坤尚弈碁老儒心下事未必紫姑知

自昔

自昔英豪忌苟同此身易盡學難窮習為聯絕真唐體
講到玄虛有晉風螳子盡云參妙喜乞兒自許識荆公
安知斯世無顏閔到死浮沉里巷中

耕仕一首

耕不逢年仕背時蕭然井臼掩茅茨貧求生墓為謀早
病學還丹見事遲馬上功名成畫餅林間身世似持螯
未應對客呈飢面尚有荒園可種葵

真母吳氏挽詞二首

系出自華宗來嬪隱約中貧能安苦節貴愈積陰功立
忠如歐母生兒似富公如聞新寔處神告在溪東
族昔多名壻令觀子更奇他年槐樹識早歲柏舟詩割
股延姑壽抽簪活衆飢事皆堪入史何必墓傍碑

蘭

深林不語抱幽貞賴有微風逆遠馨開處何妨依薜砌
折來未肯戀金鉗孤高可挹供詩卷素淡堪移入卧屏
莫笑門無佳子弟數枝濯濯映堦庭

感昔二首

談攻說守漫多端誰把先朝事細看棄夏西陲忘險要
失燕北面受風寒傍無公議扶種李中有流言沮范韓
寄語深衣揮麈者身經目擊始知難
先皇立國用文儒竒士多為禮法拘澶水歸來邊奏少
熙河捷外戰功無生前上亦知強至死後人方誅尹洙
螻蟻小臣孤憤意夜窻和淚看輿圖

山丹

偶然避雨過民舍一本山丹恰盛開種久樹身膠似蓋
澆頻花面大如杯怪疑朱草非時出驚問紅雲甚處來
可惜書生無事力千金移入畫欄栽

燕二首

客鳥衣看落花春風吹影傍天涯茅簷亦有安巢地
何必王家與謝家
野老柴門日日開且無欄檻礙飛迴勸君莫入珠簾去
羯鼓如雷打出來

過永福精舍有懷仲白二首

永福招提小步廊憶携詩卷共追涼年來行處常迂路
纔近君家即斷腸
一樹梅花掩舊居主人僊去客來踈白頭留得吟詩友
每見郎君勉讀書

詠史二首

中原力不支洛陽名勝浪相推可憐揮麈人如壁
半夜排墻尚未知
保惜金甌未必非臺城至竟亦灰飛隱侯老任梁朝事
却爲閑情減帶圍

韓曾一首

道散斯文體尚浮韓曾力與化工侔山瞻泰華巖巖嶺
河出崑崙混混流長慶從官銷不得熙寧丞相挽難留
滄州奏疏潮州表猶被人拈作話頭

春旱四首

一春閔雨動龍顏曉殿權停賀雪班林下散人看邸報
也踈把酒廢游山

去冬玉塞靜無埃春雪雖遲亦壓災大士送歸天竺去
相公宣入浙江來

屋山無筍圃無蔬釜冷樽空客至踈說與厨人稀作粥
老夫留腹要盛書

清明未雨下秧難小麥低低似剪殘窮巷蕭然惟飲水
家童忽報井源乾

黃天谷贈詩次韻二首

浪迹徧齊州曾從劍俠游尚嫌秦政臭肯要郅支頭客

禮朝三殿兒嬉弄五侯吾猶看不破何況道家流
世無仙則已有必屬斯人丹熟將分友雲遊每念親小
窗時讀易靜室夜修真符篆皆餘事題詩亦出塵

得曾景建書一首

聞君別後買傾城酒戒中年亦放行遠使忽來知病起
近書全未說丹成莫嫌身去依劉表曾有人甘殺禰衡
何日斷原荒澗畔一間茅屋對寒檠

示兒

瓜芋村邊一畝宮閉門不復問窮通生羞奏技伶人裏
死怕標名狎客中講學有誰明太極吟詩無路和薰風

身今老矣空遺悔但祝吾兒勿似翁

擲陽塘

塘水年時似練湖春來亦已化平蕪農官久廢存遺址
樵子公行作坦途葦折鷺藏身不得萍乾魚以沫相濡
桔槔伊軋聲如泣借問龍公睡穩無

春日二首

睡起無人小院空南華一卷磬聲中鼻端老去齋香臭
分別柑花是晚風
隙地新鋤一逕通野中手自植芳叢生來不慣游金谷
屋角花開也自紅

憶毛易甫薛子舒

昔在江東會集時二君獨許話心期春風蕭寺同登塔
落日荒臺共讀碑百吏染毫供草檄萬花圍席看題詩
那知數尺無情土別後雙埋玉樹枝

有感

如塔題詩果十年南北問干戈穹廬昔少曾居汴
燕引八猶未見河也石不生誰可將奉春再出亦難和
虞陸是詩人職莫怪吟中感槩多

哭趙紫芝

奪到斯人處詞林亦可悲世間空有字天下便無詩

出香分妓惟留硯付兒傷心湖上冢誰葬復誰碑

哭周晉仙

君在詩人裏功夫用最深古如神禹鑄清似鬼仙吟死
定無高塚生惟有破衾長安酒樓上猶記昔相尋

中嶽先塋

昔遇重華席屢前因排貴近去翩然叩墀袖有馳毬疏
易簣囊無沐榔錢當日傳家惟諫草至今瞻族賴祠田
原頭宰木蒼如此纔見山庵葺數椽

被酒

酒戶當年頗著聲可堪病起困飛觥醉呼褚令為傖父

狂喚相公作老兵舊有崢嶸皆鏟去新無壘隄可澆平
投床懶取騷經看只嗅梨花解宿醒

小園即事二首

何處瑤姬款戶來薔薇花下暫裴徊分明粉蝶通消息
未有人知一朵開
因聽簫聲一念差碧雲遮斷阿環家春來無遣閑愁處
玉面紗巾出看花

夢豐宅之二首

一別茫茫隔九京夢中慷慨語如生老猶奮筆排和議
病尚登陴募練兵天奪偉人關氣數時無好漢共功名

明仍在王師老寶劍雖埋憤未平

斯人古少况於今每恨諸賢識未深朝給賻錢方掩
家無餘帛可爲衾向來夫子真知己近世門生喜有心
惟有天涯華髮掾獨揮衰涕望山陰

漢儒二首

執戟浮沉亦未迂無端著頌美新都白頭所得
枉被人書莽大夫
能多少

賣賦長安偶遇知後車歸載遠山眉可憐
夫子真窮相

暮春

燕子來時春事空，杖藜來往綠陰中。
許憐朱槿無根蒂
開落惟銷一陣風。

哭吳杞

七十未陞舍目深，雙鬢殘病中依。
佛寺死處近巖灘，俗薄揮金少家貧，返骨難遺言令，人葬聞者鼻皆酸。

橘花

一種靈根有異芬，初開尤勝結丹黃。
白於蒼苔林中見，清似旂檀國裏聞。淡月珠胎明璀璨，微風玉屑撼繽紛。
平生荀令熏衣癖，露坐花間至夜分。

薔薇花

澁露含風匝樹開，呼童灑汗掃架邊。
苔相紅染就高張起，蜀錦機成乍剪來。
公子但貪桃夾道，貴人自愛藥翻階。
寧知野老茅茨下，亦有繁英送一盃。

老鄭隱清

多着襦裙少裏巾，形容蒼槁忌清真舊時論語都忘記。
難做深衣社裏人。

前輩

前輩日以遠，斯文吁可悲。古人皆尚友，近世例無師。
晚節初寮集中年務觀詩，雖云南渡雖俗子未容窺。

鐵塔院

鐵塔荒涼院年深失主名昔遊基已廢今至屋皆成人
出私錢施僧憑願力營如何榆塞上却有未包城

東方寺記

西北名山未徧經詎宜倚杖立矜嶢脉通氣壯
病在皮膚藥易靈昔走戰場常縱靶今居內屋
平生受用嵇康論欲獻公為座右銘

後村居士集卷第三

後村居士集卷之四

詩南嶽第三葉

贈徐相師

軒負遺書果是非子憑何處說精微使君豈必如柳大
丞相元來要瓠肥袖闊日常籠短刺肩寒春未換單衣
半頭布袋挑詩卷也道游方賣術歸

送孫夢官

大帝開江左無錐與遠孫自言埋戰地也勝活侯門短
褐邊風緊孤舟海浪翻知他三尺劍携去報誰恩

寄何立可提刑

故人握節守齊安聞說邊頭事愈難赤手募丁修險隘
白頭環甲禦風寒半腰城甫包圍畢一把兵皆點摘殘
收得去年書在架憶君燈下展來看

和曾史君喜雨

雄烏忽變作雌霓太守為壇水畔祠多謝龍公來挹彼
寄聲風伯莫吹之麥殘黑穉差傷晚秧出青箴未過期
想見鈴齋聞點滴銀鈎滿紙又成詩

送饒司理端學

一郡夸饒椽才名果不虛忽聞歸去勇極恨往還踈囚
戴公平德奴擔性理書京華逢友舊為說閉門居

贈防江卒六首

陌上行人甲在身營中少婦淚痕新邊城柳色連天碧
何必家山始有春

壯士如駒出渥洼死眠牖下等蟲沙老儒細為兒郎說
名將皆因戰起家

昨者邳徐表奏通聖朝除吏遍山東新來調卒防秋浦
又與山東報不同

身屬嫖姚性命輕君看一蟻尚貪生無因喚取談兵者
來向橋邊聽哭聲

戰地春來血尚流殘烽缺堠滿淮頭明時頗牧居深禁

若見關山也自愁

一炬曹瞞僅脫身謝郎棋畔走符秦年年拈起防江字
地下諸賢會笑人

哭黃直卿寺丞二首

久在文公几杖旁暮年所得最精詳貧甘香火辭符竹
病整衣冠坐簀床壯士軍中悲亮死先師地下惜回亡
法雲破寺三間屋却有門人遠赴喪

當年出塞共臨戎箭滿行營戍火紅督府凱旋先請去
堅城築就獨無功身謀彼此皆迂闊國事中間偶異同
莫怪些詞含哽噎在特曾賞小詩工

不寐

萬戶千門盡擁衾據梧展轉看橫參不知身已成和
枉被人疑是苦吟周漢前書盲記憶乾坤外事咄魚羸
華山老子差堪語安得呼來論此心

寄夔漕王中甫

舊歲書猶至漢陽新年夢已隔瞿唐西人久共供軍費
南士專營出峽裝塵暗二邊途尚梗身遊萬里鬢應蒼
蜀山聞說多僊者試為余求辟穀方

送章通判

半刺已官尊常時讀魯論身居恭叔里心在晦翁門貧

士來遮路詩人送出村君能齊得喪何必戀華軒

早蓮

晴久方池可跣行萍枯惟有草縱橫生葩未見叢二折
綠柄纔看寸寸生悴若放臣臨楚澤厄於學士蹈秦坑
輸他抗越花如錦畫舫名姝夜按笙

辭桂帥辟書作

一昨聞公莫府開夢魂頻繞嶺頭梅久拋鞞袴辭軍去
忽有弓旌扣戶來茅舍相過爭借唱荷衣欲出却徘徊
舊時檄筆今焚棄孤負黃金百尺壘

聞何立可李茂欽詩二首

初聞邊報暗吞聲
君王元未識真卿傷心百口同臨死極目孤城絕棟兵
多少虎臣提將印誰知戰死是書生

何老長身李白鬚傳聞死尚握州公何戰場便合營雙廟
太學今方出二儒史館何人徵逸重羽林無日訪遺孤
病夫疇昔曾同幕西望關山涕自濡

夏旱

滿望梅天雨誰知日轉驕畦蔬新住插盆樹久停澆米
貴糧困盡泉乾汲路遙未遑憂世事灾已到顏瓢

憶藕

昔過臨平召伯時小舟就買藕尤奇如拈玉塵涼雙手
似瀉金莖燕上池好事染紅無意緒癡人豈孰減風姿
炎州地狹陂塘少渴死相如欠藥鑿

夜飲方湖

貪聽月下小叢歌擲去金蕉吸碧荷四面涼如浮震澤
五更渴欲挽斜河古稱賢達誰存者今不懽娛示老何
長笑峴山空感慨羊公湛輩兩消磨

哀江帥張常一首

關破壘猶堅傷心援不前生居諸將下死在衆人先惜
極拳雙握劍多體少人豈無人策雁雁坐江邊

昔我居戎幕為侯論戰動齋旄俄煇赫書札尚殷勤
難思方見天高事未聞九江殘部曲暗哭故將軍

瀑上值雨

絕頂嵐煙合危亭略見簷不知山雨過但覺瀑流添悲
壯張瑤瑟迷濛展畫練野人雙草屨來往任泥露

懶

病入中年百事闌頽然一榻倦衣冠客方接話俄辭起
書未終編已輟看架壞儘教花卧薛砌荒亦任草侵關
力求香火非無意疎散明知涉事難

送沈憫

致亭門人

建學多通顯何爲尚布衣不聞行聘久始悟設科非落
日君尋店深山我掩扉幾時殘燭下重聽講精微

紫薇花

風標雅合對詞臣映硯窺窗伴演綸忽發一枝深谷裏
似知茅屋有詩人

書第二考

遙領叢祠又一年何功月請水衡錢江南塞北雖無分
林下山間尚有緣兵去未妨行酒令印收不礙掌詩權
祇嫌海嶠登臨少夢繞朱陵紫蓋邊

送鄭君瑞知閩清

汝邑猶淳古君行作長官假令三尺密終有一分寬粟
里歸差易桐鄉愛極難千峯青繞郭暇日想凭欄

猫捕燕

文采如彪膽智非畫堂巧伺燕雛微梁空賓客來俱訝
巢破雌雄去不歸鶯閉深籠防鷲性蝶飛高樹遠危機
主人寔在花塹上飽卧徐行自養威

次方寺丞方湖韻

晚來吉語到茅椽太華詩翁約泛蓮况有鄒枚同預讌
可能李郭獨如仙帝猶給我還山俸天不需人買月錢
揮手闖門冠蓋客急歸勿攪甕間眠

鄰家孔雀

初來毛羽錦青葱今與家雞飲啄同童子有時偷剪翅
主人常日少開籠嶠南歲月幽囚裏隴右山川夢寐中
因笑世間真贗錯繡身翻得上屏風

荅傅監君

少豪頗似括談兵老去方慙理未明窓下殘書千遍讀
卷中一字幾回更撚髭人盡嗤吾拙軟血誰當豫此盟
肯啖菜根抄脫粟許君十載共經營

蟾蜍硯滴

鑄出爬沙狀兒童競撫摩背如千歲者腹柰一輪何

較餅鑿小功於几硯多所盛涓滴水後世賴餘波

讀崇寧後長編二首

自入崇寧政已荒由來治忽繫毫芒初為御筆行中旨
漸取兵權付左璫玉帶解來放貴倖珠袍脫下賜降羌
諸公日侍鈞天讌不道流人死瘴鄉

陳迹分明斷簡中纔看卷首可占終兵來尚恐妨恭謝
事去徒知悔夾攻丞相自言芝產第太師頻奏鶴翔空
如何直到宣和季始憶元城與了翁

午牕

恩賦支離粟一囊午牕卧看世人忙東家學究窮於我

六月褒衣上講堂

書感

仲尼已沒世無師新學專門各自私死守不爲它說勝
祕藏似恐外人窺欲招程子看通典兼起歐公講繫辭
浩歎邇來耆舊盡緒言分付與羣兒

荅客

誰謂貧難忍三年閉戶居老兵能合藥小僕會抄書白
髮羞彈鋏青山去荷鋤既於吟得趣功業合棄除

印杖

珍重印山鶴藤杖十年南北慣携持扶登石壁寧嫌

拄過溪橋肯避危昔涉畏途屢不去今行平地棄如遺
主人尚要防衰老會有重拈入手時

寄泉僧真濟

師遂於鑿者聞諸諫議然若非禪性悟必有脉書傳藥
貴逢人施方靈尅日痊西風餅錫冷儻肯訪沉綿

羊毫筆

拔到髯生族多因兔穎稀只宜茅舍用難向玉堂揮弄
翰虛名似吹毛本質非兒曹貪價賤鷓鴣掃如飛

空村

棄置在空村浮名豈復論因思戎服窄方悟緼袍尊城

遠雞司曉家貧太守閭常怜劉越石辛苦戍并門

題齋壁

浩如煙海積如山紙上陳人叫不還白首書生無事業
一生精力費牕間

題繫年錄

炎紹諸賢慮未精今追遺恨尚難平區區王謝營南渡
草草江徐議北征往日中丞甘結好暮年都督始知兵
可憐白髮宗留守力請鑿重辛舊京

晚出

晚出別村幹夜深徒步歸飯猶懸早稼衣尚在鄰

秋防急田園歲入微喟然投耒歎事事與心違

伏日

屋山竹樹帶踈蟬淨掃風軒散髮眠老子平生無長物
陶詩一卷枕屏邊

自警

筆枯硯燥自傷悲文體全關氣盛衰倚馬縱難揮萬字
騎驢尚足課千詩奉盤誰可推盟主撼樹人方謗老師
疑有更深於此者入山十載試精思

詠鄰人蘭花

兩盆去歲共移來一置雕闌一委蒼
入拙事持令葉瘦

君能調護遣花開
隸人挑蠹巡千匝
稚子澆泉走幾迴
亦欲效顰耘小圃
地荒終恐費栽培

夏夜

熱極不可度
起行林影中
開窗需過月
移簟就來風
豪鼠喧深夜
高蟬響半空
永言時物六
露已濕莎叢

書田舍所見

漠漠晴埃起遠疇
占相雲日幾家愁
細民方慮填中壑
巨室何心堰上流
斬木由來基小釁
澆瓜誰爲解私仇
寧知送老茅簷下
猶抱書生畎畝憂

郊垌

所住在郊垌
田園事遍經
淺溝晴後塞
高壩雨餘青
屋潤鄰翁富
祠新社鬼靈
南州無酒禁
十戶九旗亭

客過

客過柴門歎寂寥
旋挑野菜拾風樵
無錢輟贈開衣笈
有病來求探藥瓢
偶憇荒郊思種樹
每逢斷澗欲營橋
書生一念終迂闊
猶閱蒼黔與肖翹

孟浩然騎驢圖

壞墨殘縑閱幾春
灞橋風味尚如真
摩挲只可誇同社
裝飾應難奉貴人
舊向集中窺一面
今於畫裏識前身
世間老手惟工部
曾伏先生句句新

有興

有興駕柴車無心起草廬淺傾家釀酒細讀手抄書門
巷慵耘草園離課種蔬雖非黃叔度未易得親踈

聞笛二首

少年毬馬逐秋風笛起連營響裂空今夕夢回村墅冷

一枝孤奏月明中

初如廢將哭窮邊又似孤臣訴左遷何必謝公雙淚落
野人聽罷亦凄然

健忘一首

昏昏健忘廢專精默坐空齋忽自驚少作回看如兩手

舊書重讀似前生却疑安世知三篋不曉睢陽記一城
莫怪詩成呼燭寫曉窻追憶欠分明

宿庄家二首

初秋風露變偶出憇庄家原稼無全穗陂荷有晚花踈
鍾踰澗響微月轉林斜鄰媪頭如雪燈前自績麻
茅茨迷詰曲度谷復踰陂世上事如許山中人不知牛
羊晴卧野鵝驚晚歸池粗識爲農意秋輸每及時

妄想

妄想如水已盡消朱顏日向鏡中凋玉闕萬里曾投筆
草市三家却負樵弱水古來無路到小山歲晚有人招

吾廬寂寂何須笑君看閑僧住退寮

白杜迂客一首

貧食官倉不自由強扶衰病坐荒郵送迎不是祠官事
偶見青山急下頭

七月九日二首

海激天翻電雹噴蒼松十丈劈爲新湏更龍卷它山去
誤殺田頭望雨人
樵子俄從間路廻因言溪谷響如雷分明兩怕城中去
只隔前峯不過來

夢賞心亭

夢中曾會賞心恍然佳日共登臨酒邊多說烏衣舊
曲裏猶殘玉樹音江水淮山明歷歷孫陵晉廟冷沉沉
曉鍾呼覺俱忘却獨記千門柳色深

郊行

一雨餞殘熱忻然思杖藜野田沙鶴立古木廟鴉啼
僕行迷路逢樵負過溪獨遊吾有趣何必問栖栖

懷友

老鶴孤飛久失羣天涯懷友寸心勤狂生似臆寧堪近
佳士如香故可熏無復擎舟乘大雪有時倚杖送停雲
秋來溼草深三尺誰伴青燈緝舊聞

牢落

牢落吾何恨先賢未免窮寧爲田舍子不作國師公螢
影穿窻隙蛩聲出壁中殘書殊有味讀到角吹終

跋方雲臺文集二十韻

文人何瑣碎夫子獨雄尊擊水移南海追風出大宛黑
潭龍怒起碧宇鶻孤鶩翁留波濤湧湏臾電雹奔筆鋒
山突兀墨潘兩頰翻軒豁青天露淒迷白晝昏至微該
草樹極大括乾坤金鼓條侯壁旌旗渭上屯聚如羣玉
圃散似建章門覽岱親臨頂窮河直至源檄書傳絕漢
詩句落中原猛虎堪鬚捋脩鯨可氣吞寂寥時數語

滿載千言神與經營力誰窺斧斲叢痕流行通象柱模刻
遍湘沅欲揀皆逢寶將莫不見繁居然開突奧詎肯闕
離藩坎井疑天大溪流笑海渾不妨兒輩撼姑付後人
論拙詠雖卑弱因公儻並存

雲

農家望汝卜年豐似絮如峯陲不同縱有濃陰工閣雨
略無定態喜隨風往來與月爲仇敵舒卷和天盡蔽蒙
安得竦身騰汗漫叫開閭闔掃長空

撥冠

羽士過門實新翻樣愈竒堅如龜屋製精似鹿胎爲印

杖扶相稱唐衣戴最宜笑他蟬冕客憂畏白鬚眉
方寺永招宿瀑上不果

久與瀑泉踈勞公下檄書極知居陋巷不似宿精廬奴
客辭看犢鄰人畏借驢何時兒子壯聊爲舉籃輿

詩境樓觀月

人世應無第二樓暮雲飛不到簾鈞未開寶鑑青冥裏
先湧冰輪碧海頭白似雪濤翻赤壁壯如夜日出羅浮
酒醒何處吹橫玉徑欲乘風萬里遊

野望

稍有西風起孤筇挾自隨名山多著寺古木必爲祠鳥

過投林急樵歸度嶂遲相尋惟有月搔首待移時

西淙山觀雨

與客同登萬仞崖蔽天風雨驀然來六丁白晝誅炎賊
百怪蒼淵起蟄雷毒螫噴時林盡黑怒龍裂虺石中開
吾生不及觀河決得賦斯遊亦壯哉

宿山中十首

城中人恠我清旦買芒鞋石若知其趣還應日日來
玉轡上沙堤金鞍成積西何如寒澗底落日蹇驢嘶
就泉爲碓屋繫石作書龕有意耕汾曲無心起水南
市脯店猶遠刈芻人未歸夜深語童子且掩半邊扉

路危防陟遠溪黑阻窮深涼月如高士頻拓未出林
嵩僧殊好事絕頂廟龍君勿笑一泓水能生六合雲
崖居供給少不用犬防籬只恐偷兒點來窺壁上詩
山中無價寶月色與泉聲莫向貴人說將爲有力爭
玉筋篆文古銀鈎楷法精得知千載下時有打碑聲
淒風轉林杪露坐感衣單不道山中冷翻憂世上寒

七月二十日自瀑上先歸方寺丞遣詩夸雷雨
之壯次韻一首

城裏遙看雨出時想公筆墨發雄奇山深龍虎飛騰變
海運鯤鵬瞬息移凜凜前鋒如赴敵堂堂迴勢似歸師

羅還始悟山靈意怕向蒼崖寫惡詩

秋望二首

暮色蒼然上野臺廢塘尚有數荷開望中愛殺城南柳
只怕霜風一夜來

舍南舍北種芙蓉及到秋來次第紅自是詩人才思窘
清風明月有何窮

村校書

短衣穿結半瓢空所住茅簷僅蔽風久誦經書皆默記
試挑史傳亦旁通青燈窗下研孤學白首山中聚小童
却羨_二昌_一弟子只談論語至三公

聖賢

聖賢自牧極卑謙後學才高膽力兼悔賦不妨排賈誼
謗詩遂至効陶潛事見政和御史章疏取人最忌規模狹絕物常
因議論嚴君看國風三百首小夫賤隸採何嫌

懷李敬子

此士今徐孺柴扉肯妄開空聞羔鴈去不見鳳麟來廬
阜尋僧出東湖赴講迴何由操杖履林下再相陪

華嚴知客寮

簷外蒼榕六月秋小年來此愛深幽壞墻螢出如螢火
古壁蜂穿似射侯涉世昏昏忘舊話入山歷歷記前遊

故人

堪重僧歸塔獨聽疎鐘起暮愁身即向亡友

聞黃德常除德安序

幕下相從若弟兄當年曾悔謀談兵足行江北生重趺
髮為山果白幾莖病擁琴書專一壑老携檄筆赴孤城
暮雲不似關山路空有天涯故舊情

閑居即事

性偶安林藪元非慕獨清米從仁祖乞粟是伯夷耕廢
井通鄰汲深墻隔市聲却因虛澹極亦自覺身輕

自勉

海寧
無師前哲遺離尚未窺玄詠易流西晉學

苦吟不月 唐詩遠僧庵就勤求記亡友坤成塔碑
天若假余金石壽所為詎肯止於斯

少日

少日關河要指呼晚歸田里似囚拘氣衰不敢高聲語
腕弱纔能小楷書座有老兵持共飲路逢醉尉避前驅
子元兄弟何為者自是嵇康處世疎

貧病

默默守柴荆人間事頗更病方知養性貧始欲謀生尚
有狂奴態元無老妪聲邇來塵慮盡勿怪小詩清

示同志一首

滿身秋月滿襟風敢歎拙遲一處中除目解令丹竈壞
韶書能使草堂空 無高士招難出曾有先賢隱不終
說與同袍二三子下山未可太匆匆

乙津寺



後村居士詩卷第四



